

唐
音
統
籤

乙籤六十九沈佺期之二 唐音統籤卷五十二

五言律詩

仙萼亭初成侍宴應制

山中氣色和宸賞
第中過輦路披仙
掌帷宮拂帝蘿
泉臨香澗落峰
入翠雲多無異
登玄圃東南望
白河

立春日內出剪綵花應制

合殿春應早開箱
綵預知花迎宸
翰發葉待御筵
披梅訝香全少
桃驚色頓移輕
生承剪拂長伴
萬年枝

晦日漣水應制

素漣接宸居青門盛袂除摘蘭喧鳳野浮棗溢龍
渠苑蝶飛殊懶宮鶯轉不疎星移天上入歌舞同
儲胥

三日梨園侍宴

九重馳道出三巳禊堂開壽鷁中流動青龍上苑
來野花飄御座河柳拂天杯日晚迎祥處笙鏞下
帝臺

九日臨涓亭侍宴應制得長字

御氣幸金方憑高薦羽觴魏文頒菊蕖漢武賜萸

囊

一作房

秋變銅池色晴添銀樹光

一作去鶴留笙吹歸鴻識舞行

年年重九慶日月奉天長

奉和聖製同皇太子翫遊慈恩寺應制

趙玄度本

肅肅蓮花界熒熒貝葉宮
金人來夢裏白馬出城中
湧塔初從地焚香欲遍空
天歌應春籥非是爲秋風

奉和洛陽翫雪應制

周王甲子日漢唐溫陽宮
灑瑞天庭裏驚春御苑中
氛氲生浩氣颺杳舞迴風
宸藻光盈尺賡歌樂歲豐

幸梨園亭觀打球應制

今春芳苑遊接武上瓊樓宛轉縈香騎飄飄拂畫
毬俯身迎未落迴轡逐傍流祇爲看花鳥時時誤
失籌

幸白鹿觀應制

紫鳳真人府

一作劫

斑龍太上家天流芝蓋下山轉

桂旗

一作旌

斜聖藻垂寒露仙杯落晚霞唯應問王

母桃作幾時花

壽陽王花燭

國秀

仙媛乘龍夕天孫捧雁來可憐桃李更遶鳳皇

臺燭送香車入花臨寶扇開莫令銀漏曉爲盡合
歡盃

安樂公主移入新宅

初聞衡漢來移住斗城隈錦帳迎風轉瓊筵拂霧
開馬香遺舊埒鳳吹繞新臺爲問沈冥子仙槎何
處回

歲夜安樂公主滿月侍宴

除夜子星迴天孫滿月杯詠歌麟趾合簫管鳳雛
來歲炬常然桂春盤預折梅聖皇千萬壽垂曉御
明臺

送金城公主適西蕃應制

金牕扶丹掖銀河屬紫闥那堪將鳳女還以嫁烏
孫玉就歌中怨珠辭掌上思西戎非我匹明主至
公存

洛陽道

九門開洛邑雙闕對河橋白日青春道軒裳半下
朝乘羊稚子看拾翠美人嬌行樂歸恒晚香塵撲
地遙

驄馬

西北五花驄來時道向東四蹄碧玉片雙眼黃金

瞳鞍上留明月嘶間動朔風借君馳沛艾一戰取
雲中

銅雀臺

作宋

昔年分鼎地今日望陵臺一旦雄圖盡千秋遺令
開綺羅君不見歌舞妾空來思其漳河水東流無
重回

長門怨

月皎風冷冷長門次掖庭玉階聞墜葉羅幌見飛
螢清露凝珠綴流塵下翠屏妾心君未察愁歎劇
繁星

巫山高二首

一作宋之問詩

巫山峯十二合沓隱

一作環合象

昭回俯眺

一作琵琶

峽平看雲雨臺古槎天外倚

一作落

瀑水日邊來何

忍猿啼夜荆王枕席開

神女向高唐巫山下夕陽裴回作行雨婉孌逐荆

王電影江前落雷聲峽外長霽雲無處所臺館曉

蒼蒼

巫山高

紀事云此詩顧陶以為張翥范攄以為陸賈之作今則存之

巫山高不極合沓狀奇新暗谷疑風雨陰崖若鬼

神月明三峽曉潮滿九江春為問陽臺客應知入

夢人

隴頭水

隴山飛落葉隴鴈度寒天愁見三秋水分爲兩地
泉西流入羌部東下向秦川征客重回首肝腸空
自憐

關山月

漢月生遼海矐矐出半暉合昏玄菟郡中夜白登
圍暈落關山迴光含霜霰微將軍聽曉角戰馬欲
南歸

折楊柳

一作宋之問詩

玉牕朝日映羅帳春風吹拭淚攀楊柳長條踈地
垂白花飛歷亂黃鳥度一作思參差妾自肝腸斷傍
人那得知

梅花落

一作宋之問詩

鐵騎幾時迴金閨怨早梅雪寒一作中花已落風煖
葉應開夕逐新春管香迎小歲杯盛時何足貴書
裏報輪臺

紫駟馬

青玉紫駟鞍驕多影屢盤荷君能剪拂蹀躞噴桑
乾踈足追奔易長鳴遇賞難擬金一萬里霜露不

辭寒

上之回

制書下關右天子問回中壇墠經過遠威儀侍從
雄黃麾搖晝日青幃曳松風迴望甘泉道龍山隱
漢宮

王昭君

一作宋之問詩

非君惜鸞殿非妾妬蛾眉薄命由驕虜無情是畫
師嫁來胡地日不並漢宮時辛苦無聊賴何堪馬
上辭

被試出塞

十年通大漠萬里出長平寒日生戈劒陰雲拂旆
旌饑烏啼舊壘疲馬戀空城辛苦臯蘭北胡塵損
漢兵

雜詩四首

鐵汗

一作

馬三軍去金閨

一作流鶯

二月還邊愁離行

一作

上國春夢失度

一作

陽關池水琉璃淨園花玳瑁斑

歲華空白擲愁怨

一作憂思

不勝顏

落葉驚秋婦高砧促暝機蜘蛛尋月度螢火傍人
飛清鏡紅淚入孤燈綠焰微怨啼能至曉獨自嬾

縫衣

妾家臨渭北春夢著遼西何苦朝鮮郡年年事鼓
鼙燕來紅壁語鶯向綠牕啼爲許長相憶闌干玉
筍齊

聞道黃龍戍頻年不解兵可憐閨裏月長在漢家
營少婦今春意良人昨夜情誰能將旗鼓一爲取
龍城

則天門觀赦改年

聖人宥天下幽籥動圓狴六甲迎黃氣三元降紫
泥籠僮上西鼓振迅廣場雞歌舞將金帛汪洋被
遠黎

喜赦

去歲投荒客今春肆青歸律通幽谷煖盆舉太陽
輝喜氣迎冤氣青衣報白衣還將合浦葉俱同洛
城飛

覽鏡

霏霏日搖蕙騷騷風灑蓮時芳固相奪俗態豈恒
堅恍忽夜川裏蹉跎朝鏡前紅顏與壯志太息此
流年

咸陽覽古

咸陽秦帝居千載坐盈虛版築林光盡壇場霽

疎野橋疑望日山火類焚書唯有驪峯在空聞厚
葬餘

少遊荆湘因有是題

峴北焚蛟浦巴東射雉田歲時宜楚俗耆舊在襄
川憶昨經過處離今二十年因君訪生死相識幾
人全

十三四時嘗從巫峽過他日偶然有思

小度巫山峽荆南春欲分使君灘上草神女廟前
雲樹悉江中見猿多天外聞別來如夢裏一想一
氛氲

早發平昌島

解纜春風後鳴榔曉漲前
陽鳥出海樹雲鴈下江
煙積氣衝長島浮光溢大川
不能懷魏闕心賞獨
冷然

夜宿七盤嶺

獨遊千里外高卧七盤西山

一作曉

月臨牀

一作牕

近

天河入戶低芳春平仲綠清夜子規啼浮客空留
聽裏城聞曙雞

初達驩州

自昔聞銅柱行來向一年不知林邑地猶隔道明

天雨露何時及京華若箇邊思君無限淚堪作日南泉

驩州風土不作寒食

嶺外無

一本作逢誤

寒食春來不見飴洛中

一作陽

新甲

子何日是清明花柳爭朝發軒車滿路迎帝鄉遙

可念腸斷報親情

葉石林評此詩云流俗以清明前爲寒食今旣不知清明安能

知寒食始不可解蓋讀誤本沈集無寒食作逢寒食故也記此

驩州南亭夜望

昨夜南亭望分明夢洛中室家誰道別兒女案嘗同忽覺猶言是沈思始悟空肝腸餘幾寸拭淚坐

春風

嶽館

洞壑仙人館孤峯玉女臺空濛朝氣合窈窕夕陽
開流澗含輕雨虛巖應薄雷正逢鸞與鶴歌舞出
天來

樂城白鶴寺

碧海開龍藏青雲起鴈堂潮聲迎法鼓雨氣濕天
香樹接前山暗谿承瀑水涼無言誦居遠清淨得
空王

遊少林寺

長歌遊寶地徙倚對珠林鴈塔風霜
丹青作古龍池
歲月深紺園澄夕霽碧殿下秋陰歸路煙霞晚山
蟬處處吟

和中書侍郎楊再思春夜宿直

西禁青春滿南端皓月微千廬宵駕合五夜曉鐘
稀星斗橫綸閣天河度瑣闥煙花章奏裏紛向夕
郎飛

和崔正諫登秋日早朝

雞鳴朝謁滿露白禁門秋爽氣臨旌戟朝光映冕
旒河宗來獻寶天子命焚裘獨負池陽議言從

禮遊

和洛州康士曹庭芝望月有懷

一作來之開詩

天使下西樓光含萬象

一作

秋臺前疑掛鏡簾

一作

唐

外似懸鉤張尹將眉學班姬取扇倚佳期應借

問爲報在刀頭

和常州崔使君寒食夜

聞道清明近春闌向夕闌行遊晝不厭風物夜宜
看斗柄更初轉梅香暗裏殘無勞秉華燭晴月在
南端

答甯愛州書

書報天中赦人從海上聞九泉開白日六翮起一作

奮青雲質幸恩先貸情孤枉未分自憐涇渭別誰

與奏明君

餞唐郎中洛陽令

一臺推往妙三史佇來修應宰鳥還集辭郎雉少
留郊筵乘落景亭傳理殘秋願以絃歌暇芝蘭想
舊遊

餞高唐州詢

弱冠相知早中年不見多生涯在王事容鬢各蹉
跎良守初分岳嘉聲卽潤河還從漢闕下傾耳聽

中和

送陸侍御餘慶北使

古人貴將命之子出輜軒受委當不辱隨將敢贈
言朔途際遼海春思繞轅轅安得回白日留歡盡
綠樽

洛州蕭司兵謁兄還赴洛成禮

棠棣日光輝高襟應序歸來成鴻鴈聚去作鳳凰
飛細草承輕傳驚花慘別衣灞亭春有酒岐路惜
芬菲

李舍人山園送龐邵

符傳有光輝
誼誼出帝畿
東鄰借山水
南陌駐驂騑
握手涼風至
當歌秋日微
高蟾去勿緩
人吏待霜威

剪綵

宮女憐芳樹
栽花競早榮
寒依刀尺盡
春向綺羅生
弱蒂盤絲發
香粧結素成
纖枝幸不棄
長就玉階傾

題柳子樹

日南柳子樹
香裏出風塵
叢生調木首
圓實擯榔身
玉房九霄露
碧葉四時春
不及塗林果
移根隨

漢臣

同獄者歎獄中無燕

一本截後半首爲五言絕句題云獄中燕

何許乘春燕多知辨夏臺三時欲併盡雙影未嘗
來食盡嫌叢棘銜泥怯死灰不如黃雀語能雪冶

長漢

章懷太子靖妃挽詞

彤史佳聲載青宮懿範留形將鸞鏡隱覓伴鳳笙
遊送馬嘶殘日新螢落晚秋不知蒿里曙空見隴
雲愁

秦州薛都督挽詞

十里絳山幽千年汾水流碑傳門客建劔是故人
留隴樹煙含夕山門月對秋古來鍾鼎盛共盡一
蒿丘

天官崔侍郎夫人盧氏挽歌

偕老言何謬香魂事永違潘魚從此隔陳鳳宛然
飛埋鏡泉中暗藏鐙地下微猶憑少君術彷彿覩
容輝

乙籤六十九沈佺期之三 唐音統籤卷五十三

五言排律一

奉和晦日駕幸昆明池應制

事詳宋之問集

法駕乘春轉神馳象漢廻雙星移

一作遺

舊石孤月

隱殘灰戰鷁逢時去恩魚望幸來

一作岸

花緹騎

遶堤柳慢城開思逸橫汾唱歡流宴鎬杯徵臣彫
朽質羞觀豫章材

昆明池侍宴應制

武帝伐昆明穿池習五兵水同河漢在館有豫章
名我后光天德垂衣文教成黷兵非帝念勞物豈

皇情春仗過鯨沼雲旗出鳳城靈魚銜寶躍仙女
廢機迎柳拂旌門暗蘭依帳殿生還如流水曲日
晚棹歌聲一作清

仙萼池亭侍宴應制

步輦尋丹嶂行宮在翠微川長看鳥滅谷轉聽猿
啼天磴扶階迴雲泉透戶飛閑花開石竹幽葉吐
薔薇徑狹難留騎亭寒欲進衣白龜來獻壽仙吹
返彤闈

白蓮花亭侍宴應制

九日陪天仗三秋幸禁林霜威變綠樹雲氣落青

岑水殿黃花合山亭絳葉深朱旗夾小徑寶馬駐
清潯苑吏收寒果饗人膳野禽承歡不覺暝遙響
素秋砧

扈從出長安應制

漢宅規模壯周都景命隆西賓讓東主法駕幸天
中太史占星應春官奏日同旌旗起長樂帳殿出
新豐翕習黃山下紆徐清渭東金麾張畫月珠幃
戴相風是節嚴陰始寒郊散野蓬薄霜沾上路殘
雪繞離宮賜帛矜耆老褰旒問小童復除恩載洽
望秩禮新崇臣忝承明召多慙獻賦雄

初冬從幸漢故青門應制

漢王建都邑渭水對青門朝市俱東逝墳陵共北
原荒涼蕭相關蕪沒邵平園全盛今何在英雄雖
重論故基仍嶽立遺堞尚雲屯當極土功壯安知
人力煩天遊戒東首懷昔駐龍軒何必金湯固無
如道德藩微臣諫多幸參乘偶殊恩預此陳古事
敢奏興亡言

奉和聖製幸禮部尚書竇希玠宅

北闕垂旒暇南宮聽履廻天臨翔鳳轉恩向躍龍
開蘭氣承一作仙帳榴花引御杯水一作從金穴

吐雲是玉衣來池影搖歌席林香散舞臺不知行
漏晚清蹕尚徘徊

奉和幸韋嗣立山莊侍宴應制

台階好赤松別業對青峯茅室一作屋承三顧花源

接九重龍一作虹旂繁秀木鳳輦拂疎節徑狹千官

擁谿長萬騎容水塘開禹膳山閣獻堯鍾皇鑒清

居遠天文睿獎濃巖泉他日紀事作夕夢漁釣往年逢

共榮丞相府偏降逸人封按唐書中宗幸韋嗣立山莊封嗣立爲逍遙公

故有未句

釣竿篇

朝日斂紅煙垂竿向綠川人疑天上坐魚似鏡中
懸避櫂時驚透猜鉤每誤牽湍危不理轄潭靜欲
留船釣玉君徒尚徵金我未賢爲看芳餌下貪得
會無筌

塞北二首

虜障天驕起秦城地脉分柏壇飛五將梅吹動三
軍鋒刃奔濤色旌旗焰火文朔風吹汗漫飄灑
輜輶海氣如秋雨邊烽似夏雲二庭無歲月百戰
有功助形影隨魚貫音書在鴈羣歸來拜天子凱
樂助南薰

胡騎犯邊埃風從丑上來五原烽火急六郡羽書
催冰壯飛狐冷霜濃候鴈哀將軍朝授鉞戰士夜
銜枚紫塞金河裏蔥山鐵勒隈蓮花秋劍發桂葉
曉旗開秘畧三軍動妖氛百戰摧何言投筆去終
作勒銘回

上元夕夜遊

今夕重門啓遊春得夜芳月華連畫色燈影雜星
光南陌青絲騎東鄰紅粉妝管絃遙辨曲羅綺暗
聞香人擁行歌路車攢鬪舞場經過猶未已鍾鼓
出長楊

李員外秦援宅觀妓

盈盈粉署郎五日宴春光選客虛前館徵聲徧後
堂玉釵翠羽飾羅袖鬱金香拂黛隨時廣挑鬟出
意長轉歌遙合態度舞暗成行巧落梅庭裏斜光
映曉妝

同李舍人冬日集安樂公主山池

常聞天女貴家郎帝宮連亭插宜春果山衝太液
泉橋低烏鵲夜臺起鳳凰年故事猶如此新圖更
可憐紫巖妝閣透青嶂妓樓懸峯奪香爐巧池偷
明鏡圓梅花寒待雪桂葉晚留煙興盡方投轄金

聲還復傳

登瀛州南樓寄遠

層城起麗譙，憑覽出重霄。茲地多形勝，中天宛寂寥。
寥四榮摩鵠，鶴百拱厲風飈。北際一作盡燕王館，東連秦帝橋。
晴光七郡滿，春色兩河遙。遙憺脫非吾土，躊躇適遠翬。
離居欲有贈，春草寄長謠。

九真山淨居寺謁無礙上人

大士生天竺，分身化日南。人中出煩惱，山下即伽藍。
小澗香爲刹，危峯石作龕。候禪青鶴乳，窺講白猿參。
藤愛雲間壁，花憐石下潭。泉行幽供好，林挂

唐詩集
浴衣堪弟子哀無識醫王惜未談機疑聞不二蒙
昧卽朝三欲究因緣理聊寬放棄慙超然虎谿夕
雙樹下虛嵐

和戶部岑尚書參迹樞揆

大君制六合良佐參萬機大業永開泰臣道日光
輝鹽梅和鼎食家聲衆所歸漢章題楚劒鄭武襲
緇衣理識當朝遠文華振古稀風雲神契合舟楫
道心微廟堂喜容與時物遞芳菲御柳垂仙掖公
槐覆禮闈昔陪鵷鷺後今望鸛鵬飛徒御清風頌
巴歌聊自揮

和韋舍人早朝

間闔連雲起嚴廊拂霧開玉珂龍影度珠履鴈行
來長樂宵鍾盡明光曉奏催一經推一作傳舊德五
字擢英才儼若神仙去紛從霄漢迴千春奉休曆
分禁喜趨陪

和元舍人萬頃臨池翫月戲爲新體

春風搖碧樹秋霧捲丹臺復有相宜夕池清月正
開玉流含吹動金魄度雲來熠燿光如沸翩翹景
若推半環投積草碎璧聚流杯夜久平無煥天晴
皎未遺鏡將池作匣珠以岸爲胎有美司言暇高

興獨悠哉揮翰初難擬飛名豈易陪夜光殊在握
了了見沈灰

酬蘇員外味道夏晚寓直省中見贈

並命登仙閣分曹

一作宵

直禮闈大官供宿膳侍史

護朝衣卷幔天河入開牕月露微小池殘暑退高

樹早

一作晚

涼歸冠劍無時釋軒車待漏飛明朝題

漢柱三署有光輝

酬楊給事廉見贈省中

子雲推辨博公禮擅詞雄始自尚書省旋聞給事
中言從溫室祕籍向鎖闥通顧我叨郎署慙無草

奏工分曹八舍斷解袂五時空宿昔陪餘論平生
顛擊蒙神仙應東掖雲霧限南宮忽枉瓊瑤贈長
歌蘭渚風

送韋商州弼

會府應文昌商山鎮國陽聞君監郡史暫罷尚書
郎王事嗟相失人情貴不忘累年同畫省四海接
文場點翰芳春色傳杯明月光故交從此去遙憶
紫芝香

夏日梁王席送張岐州

秦雞常下雍周鳳昔鳴岐此地推雄撫惟良寄在

斯家傳七豹貴人擅八龍奇高傳先光彩長林歎
別離天人開祖席朝案候征麾翠帝當郊敞彤幃
向野披芄芃秋麥盛蔍蔍夏條垂奏計何時入台
階望羽儀

夏日都門送司馬員外逸客孫員外佺北征

時王爲元帥魏
大元忠爲副

二庭追虜騎六月動周師廟略天人授軍麾相國
持復言徵二妙才命重當時諸省連征棗橫門共
別開雲迎出塞馬風卷度河旗計日方夷寇旋聞
杖杜詩

送盧管記仙客北伐

羽檄西北飛交城日夜圍廟堂盛徵選戎幕生光
輝鴈行度函谷馬首向金微湛湛山川暮蕭蕭涼
氣稀餞途子憫默赴敵子英威今日楊朱淚無將
灑鐵衣

乙籤六十九沈佺期之四 唐音統籤卷五十四

五言排律二

自考功員外授給事中

一作寄北使有序云長安三年自考功郎

中拜給事中非不曠任意多慙沮嘗覽文章間有緣情之作明年獻春下獄未及盡此詞被放南荒行至安海五月二十四日遇北使因寄鄉親

南省推丹地東曹貴瑣闥惠移雙管筆恩降五時衣
出入宜真選遭逢每濫飛器慙公理拙才謝子
雲微案牘遺常禮朋僚隔等威上台行揖讓中禁
動光輝旭日千門起初春八舍歸贈蘭聞宿昔談
樹隱芳菲何幸鹽梅處惟憂對問機省躬知任重

唐音
寧止冒榮非

移禁司刑

疇昔參鄉賦中年忝吏途丹唇曾學史白首不成
儒天子開昌籙羣生偶大爐散材仍葺夏弱羽遽
搏扶寵邁乘軒鶴榮過食稻鳬何功遊畫省何德
理黃樞弔影慙非據傾心事遠圖盜泉寧止渴惡
木匪投軀任直翻多毀安身遂少徒一朝逢紕謬
三省竟無虞白簡初心屈黃沙始望孤患至終不
怒持劾每相驅埋劍誰常辨偷金以自誣謗言雖
委咎流議亦真符首夏方憂國高秋獨向隅嚴城

看熠燿圓戶對蜘蛛累餉唯妻子披冤是夜于物
情牽倚伏人事限榮枯門客心誰在鄰交迹儻無
撫襟雙涕落危坐日憂趨聖旨垂明德冤囚豈濫
誅會希恩免理終望罪矜愚司寇宜哀獄台庭幸
恤辜漢皇虛詔上容有報恩珠

入鬼門關

昔傳瘴江路今到鬼門關土地無人老流移幾客
還自從別京洛頽鬢與衰顏夕宿含沙裏晨行岡
路間馬危千仞谷舟險萬重灣問我投河地西南
盡日蠻

從崇山向越當

并序

按九真圖從山至越當四十里杉谷起古崇山竹谿從道開國來於崇山北二十五里合水歇缺藤竹明時有三十峯夾水直上千餘仞諸仙窟宅在焉

朝發崇下山暮坐越當陰西從杉谷度北上竹谿

深竹谿道明水杉谷古崇岑差池將

一作疑

不合繚

繞復相尋桂葉藏金嶼藤花閉石林天牕虛的的
雲竇下沈沈造化功偏厚真仙跡每臨豈徒探
異聊欲緩歸心

度安海入龍編

我來交趾郡南與貫胸連四氣分寒少三光置日

偏尉佗曾馭國翁仲久遊泉邑屋遺氓在魚鹽殖
產傳越人遙捧翟漢將下看鳶北斗崇山挂南風
漲海牽別離頻破月容鬢驟催年昆弟推由命妻
孥割付緣夢來竟尚擾愁委疾空纏虛道崩城淚
明心不應天

三日獨坐驩州思憶舊遊

兩京多節物三日最遨遊麗日風徐卷香塵雨暫
收紅桃初下地綠柳半垂溝童子咸春服官人罷
射罽襖堂通漢苑解席繞秦樓束皙言談妙張華
史漢逾無亭不駐馬何浦不橫舟舞簫千門度帷

屏百道流金丸向鳥落芳餌接魚投濯穢憐清淺
迎祥樂獻酬靈芻陳欲奔神藥曝應休誰念招魂
節翻爲禦魅囚朋從天外盡心賞日南求銅柱威
丹徼朱崖鎮火陬炎蒸連曉夕瘴癘滿冬秋西水
何時貸南方詎可留無人對爐酒寧緩去鄉憂

從驩州解移住山間水亭贈蘇使君

過坎卽乘流西南到大洲鬼門因苦夜瘴浦不宜
秋歲貸胸穿老朝飛鼻飲頭死生離骨肉榮辱間
朋遊棄置一身在平生萬事休鷹鷂遭誤逐豺虎
怯真投憶昨京華子傷今邊地囚願陪鸚鵡樂希

並鴈鵠留日月渝鄉思烟花換客愁幸逢蘇伯玉
回借水亭幽山柏張青蓋江蕉卷綠油乘閒無火
宅因放有虛一作舟適越心當是居夷迹可求古
來堯禪舜何必罪驩兜

赦到不得歸題江上石

家住東京裏身投南海西風烟萬里隔朝夕幾行
啼聖主謳歌洽賢臣法令齊忽聞銅柱使走馬報
金雞棄市沾皇握投荒漏紫泥覓疲山鶴路心醉
站鳶谿天鑒誅元惡宸慈恤遠黎五方思寄刃萬
姓喜然臍自幼輸丹懇何嘗玷白圭承言竄遐魅

雪往間深狴墳壠何由謁京華豈重躋炎方誰謂
廣地盡覺天低百卉雜殊性昆蟲理賴睽閉藏元
不蟄搖落反生萑瘡瘡因茲苦窮愁益復迷火雲
蒸毒霧陽雨濯陰霓周乘安交趾王恭輯書題少
寬窮涸鮒猶愍觸藩羝配宅鄴州解班苗接野畦
山空聞鬪象江靜見游犀翰墨思諸季裁縫憶老
妻小兒應離祿幼女未攀笄夢蝶翩無定蒼龜詎
有倪誰能竟此曲曲盡氣酸嘶

荅魑魅代書寄家人

魑魅來相問君何失帝鄉龍鍾辭北闕蹭蹬守南

荒覽鏡憐雙鬢沾衣惜萬行抱愁那去國將老更
垂裳影荅余他歲恩思宦洛陽三春給事省五載
尚書郎黃閣遊鸞署青緘御史香扈巡行太液陪
宴坐明光渭北昇高苑河南被檨塲烟花恒獻賦
泉石每稱觴暇日從休澣高車映道旁迎賓就丞
相選士謁昭王侍寵言猶得承歡謂不忘一朝貽
厚譴五宅竟同防兇豎曾驅策權豪豈易當款顏
因侍從接武在文章且懼威非贊寧知心是狼身
猶納履誤情爲覆盆傷可歎緣成業非關行昧藏
喜逢今改旦正朔復歸唐河讖隨龍馬天書逐鳳

鳳朝容欣舊則宸化美初綱告善雕旌建收寃錦
旆張宰臣更獻納郡守各明揚禮樂移三統舟車
會八方雲沙降白途秦隴獻燒當三赦重天造千
推極國詳大招思復楚于役限維桑漲海緣真臘
崇山壓古棠雕題飛棟宇儋耳間衣裳伏枕神餘
劣加餐力未強空庭遊翡翠窮巷倚枕椰綠體分
殊昔回眸宛異常吉凶恒委鄭年壽曾詢唐家本
傳清白官移重挂牀上京無薄產故里絕窮莊碧
玉先時費蒼頭此自將興言歎家口何處待贏糧
計吏從都出傳聞大小康降除沾二弟離拆已三

房劒外懸銷骨荆南預斷腸音塵黃耳間夢想白
眉良復此單棲鶴銜雛願遠翔何堪萬里外雲海
已溟茫戚屬甘胡越聲名任批糠由來休憤命命
也信蒼蒼獨坐尋周易清晨詠老莊此中因悟道
無問入猖狂

哭蘇眉州崔司業二公并序

同時郎裴懷古者作牧潭府神龍三年秋八月
佺期承恩北歸途中觀止訪及故舊知眉州蘇
使君味道國子崔司業融馳族間相次而逝蘇
往任鳳閣侍郎佺期忝通事舍人崔重爲鳳閣
舍人佺期又遷給事並銜鳴贊之眷俱荷提獎
之恩前年負譴南荒二公先移官守迨此凶問
情理何堪所歎逐寘有期行適在遠哀
不展舊禮不申卑流慟斯文冀通幽路

渙汗天中發伶俜海外旋長沙遇太守問舊幾人
全國寶亡雙傑天才喪兩賢大名齊弱歲高德並
中年禮樂羊叔子文章王仲宣
英華作風鑑王夷甫文章謝惠連
相看尚玄鬢相次入黃泉流放蠻陬關鄉關帝里
偏親朋雲霧擁生死歲時傳崔昔揮宸翰蘇嘗濟
巨川絳衣陪下列黃閣謬差肩及此俱冥昧云誰
敘播遷隼與懷舊轍鱣館想虛筵家愛方休杵皇
慈更撤縣銘旌西蜀路騎吹北邙田隴樹應秋矣
江帆故杳然罷琴明月夜留劒白雲天涕泗湘灕
水淒涼衡嶠烟古來脩短分神理竟難筌

哭道士劉無得

聞有玄都客成仙不易祈蓬萊向清淺桃杏欲芳
菲縮地黃泉出昇天白日飛少微星夜落高掌露
朝晞吐甲龍應出銜符鳥自飛國人思負局天子
惜被衣花月留丹洞琴笙下翠微嗟來子桑扈爾
獨返於幾

七言律詩

舊本有紅樓院應制再入道場
紀事二律今考正入釋廣宣集

奉和立春遊苑迎春

東郊暫轉迎春仗上苑初飛行慶杯風射蛟

初學記作

孤冰千片斷氣衝魚鱗九關開林中覓草纔生蕙

殿裏爭花併是梅歌吹銜恩歸路晚棲鳥半下鳳
城來

奉和春日幸望春宮應制

芳郊綠野散春晴復道離宮烟霧生楊柳千條花
欲綻蒲萄百丈蔓初繁林香酒氣元相入鳥嘯歌
聲各自成定是風光牽宿醉來晨復得幸昆明

人日重宴大明宮賜綵縷人勝應制

拂旦雞鳴仙衛陳憑高龍首帝城春千官黼帳杯
前壽百福香奩勝裏人山鳥初來猶怯轉林花未
發已偷新天文正應韶光轉設報懸知用此辰

興慶池侍宴應制

碧水澄潭映遠空，紫雲香駕御微風。
漢家城闕疑天上，秦地山川似鏡中。
向浦迴舟萍已綠，分林蔽殿槿初紅。
古來徒羨橫汾賞，今日宸遊聖藻雄。

龍池篇

互見辛
籤樂章

龍池躍龍龍已飛，龍德先天天不違。
池開天漢分黃道，龍向天門入紫微。
邸第樓臺多氣色，君王鳬鴈有光輝。
爲報寰中百川水，來朝此池莫東歸。

嵩山石淙侍宴應制

金輿旦下綠雲衢，綵殿晴臨碧澗隅。
谿水泠泠逐

行漏山烟片片引香爐仙人六膳調神鼎玉女三
漿捧帝壺自昔汾陽紆道駕無如太室覽真圖

奉和春初幸太平公主南莊應制

主家山第早春歸御輦春遊繞翠微買地鋪金曾
作埽尋河取石舊支機雲間樹色千花滿竹裏泉
聲百道飛自有神仙鳴鳳曲併將歌舞報恩暉

侍宴安樂公主新宅應制

皇家貴主好神仙別業初開雲漢邊山出盡如鳴
鳳嶺池城不讓飲龍川妝樓翠幌教春住舞閣金
鋪借日懸敬從乘輿來此地稱觴獻壽樂鈞天

從幸香山寺應制

南山奕奕通丹禁，北闕峨峨連翠雲。
嶺上樓臺千地起，城中鐘鼓四天聞。
旃檀曉閣金與度，鸚鵡晴林采暎分。
醍醐參聖酒，還將祇苑當秋汾。

古意呈補闕喬知之

題一作獨不見

盧家少婦鬱金堂

一作香

海燕雙棲玳瑁梁，九月寒

沾灌木葉十年征戍憶遼陽。
白狼河北音書斷，丹鳳城南秋夜長。
誰爲含愁獨不見，更教明月照流黃。

遙同杜員外審言過嶺

天長地闊嶺頭分去國離家見白雲
洛浦風光何所似崇山瘴癘不堪聞
南浮漲海人何處北望衡陽鴈幾羣
兩地江山萬餘里何時重謁聖明君

和上巳連寒食有懷京洛

天津御柳碧遙遙軒騎相從半下朝
行樂光輝寒食借太平歌舞晚春饒
紅妝樓下東迴輦青草洲邊南渡橋
坐見司空掃西第看君侍從落花朝

五言絕句

寒食

普天皆滅焰匝地盡藏煙不知何處火
來就客心

然

七言絕句

上巳被禊渭濱應制

寶馬香車清渭濱
紅桃碧柳禊堂春
皇情尚憶垂

竿佐天瑞

一作祚

先呈捧劍人

苑中遇雪應制

北闕彤雲掩曙霞
東風吹雪舞僊

一作山

家瓊章定

少千人和銀樹長芳六出花

夜宴安樂公主宅

濯龍門外主家親
鳴鳳樓中天上人
自有金杯迎

甲夜還將綺席代陽春

奉和幸韋嗣立山莊應制

東山朝日翠屏開
北闕晴空綵仗來
喜遇天文七曜動
少微今夜近三台

餞唐永昌

一作餞唐郎中洛陽令

洛陽舊有

一作出

神明宰輦轂繇來天地中
餘邑政

成何足貴用君取則四方同

獄中聞駕幸長安二首

傳聞聖旨向秦京
誰念羈囚滯洛城
扈從由來是方朔
爲申冤氣在長平

無事今朝來下獄誰期十月是一作見橫河君看鷹隼俱堪擊爲報蜘蛛收網羅

邙山

北邙山上列墳塋萬古千秋對洛城城中日夕歌鐘起山上惟聞松柏聲

句

周原五稼起雲海百川歸願此零陵燕長隨征旂

飛

春雨詩式

卷終

乙籤七十

唐音統籤卷五十五

宋之問

一名少連

字延清弘農人偉儀貌善五言詩時

無出其右者市冠武后召與楊炯分直習藝館累

轉尚方監丞左奉宸內供奉常扈從賦詩坐附張

易之貶瀧州叅軍復附武三思起官景龍中再轉

考功員外郎選為弘文館學士尋轉越州長史

宗即位詔流欽州賜死集十卷

友人武平一撰唐宋志同

今編

四卷

王會州云五言至沈宋始可稱律律為音律六為法律知虛實平仄間無嚴于是者二君

正為敵手

胡元瑞云沈七言律高華勝宋宋五言排律精傾過沈又云沈宋固是並驅然沈視

宋稍偏枯宋視沈較縝密

沈製作亦不如宋之繁富

唐音統籤

卷五十五

三十七

乙

五言古詩

息夫人

可憐楚破息腸斷息夫人仍爲泉下骨不作楚王
嬪楚王寵莫盛息君情更親情親怨坐別一朝俱
殺身

雨從箕山來

雨從箕山來倏與飄風度晴明西峯日綠縹南谿
樹此時客精廬幸蒙真僧顧深入清淨理妙斷往
來趣意得兩契如言盡共忘喻觀花寂不動聞鳥
懸可悟向夕聞天香淹留不能去

春湖古意

院梅發向尺園鳥復成曲落日遊南湖果擲顏如玉
含情不得語轉盼知所屬惆悵未可歸寧關須

采林一作棗

初到陸渾山莊

授衣感窮節策馬凌伊關歸齊逸人趣日覺秋琴
闕寒露衰北阜夕陽破東山浩歌步一作榛樾棲
鳥隨我還

夜飲東亭

春泉一作鳴大壑皓月吐層岑岑壑景色佳慰我

遠遊心暗芳足幽氣驚樓多衆音高興南山曲長
謠橫素琴

見南山夕陽召監師不至

夕陽黯晴暮山翠互明滅此中意無限要與開士
說徒鬱仲舉思詎迴道林轍孤興欲待誰待此湖
上月

奉使嵩山途經緱嶺

侵星發洛城城中歌吹聲畢景至緱嶺嶺上煙霞
生草樹遶野意山川多古情大隱德所薄歸來可
退耕

夜渡吳松江懷古

宿帆震澤口曉渡松江濱
櫂發魚龍氣舟衝鴻雁羣
寒潮頓覺滿暗浦稍將分
氣出海生日光清湖起雲
水鄉盡天衢嘆息爲吳君
謀士伏劍死至今悲所聞

郡宅中齋

郡宅枕層嶺春湖繞芳甸
雲薨出萬家卧覽皆已遍
漁商汗成雨解邑明若練
越俗鏡中行夏祠雲表見
茲都信盤鬱英遠常棲盼
王子事黃老獨樂恣遊行
謝公念蒼生同憂感推薦
靈越多秀士運

闕無由面神理翳青山風流滿黃卷揆予謬承獎
自昔從纓弁瑤水執仙羈金閨負時選晨趨博望
苑夜直明光殿一朝罷臺閣萬里違卿縣風土足
慰心况悅年芳變淮廩佇滋實沂歌非所羨訟寢
歸四明齡頽親九轉微尚本江海少留豈交戰惟
餘後凋色竊比東南箭

景龍四年春祠海

肅事祠春溟宵齋洗蒙慮雞鳴見日出驚下驚

一作

觀濤驚地闊八荒近天迴百川澍

一作注

筵端接空

山目外唯霧霧暖氣物象來周遊晦明互致牲匪

玄享禋滌期靈煦的的波際禽沄沄島間樹安期
今何在方丈茂尋路仙事與世隔冥搜徒已屢四
明背羣山遺老莫辨處撫中一作內撫良自慨弱齡忝
恩遇三入文史林兩拜神仙署雖歎出關遠始知
臨海趣賞來空自多理勝孰能喻留楫竟何待徒
倚忽云暮

遊法華寺

薄遊京都日遙羨稽山名分刺江海郡竭來徵素
情松露洗心眷象筵敷念誠薄雲界青嶂皎日騫
朱甍苔澗深不測竹房閒且清感真六象見垂兆

二鷗

一作鳥

鳴古今信靈跡中州莫與京林巘永棲

業豈伊佐

一作在

一生浮悟雖已久事試去來成觀

念幸相續庶幾最後明

宿雲門寺

雲門若邪裏泛鷗路纔通夤緣綠篠岸遂得青蓮

宮天香衆壑滿夜梵前山空漾漾潭際月颼颼一作

飄飄杉上風茲焉多嘉趣數子今莫同鳳歸慨處士

鹿化聞仙公樵路鄭州北學

一作舉

井阿巖東永夜

遙云寐曙華忽蔥籠谷鳥嘯尚澁源桃驚未紅冉

來期春暮當造林端窮庶幾蹤謝客開山投剡中

初至崖口

崖口衆山斷欽峯聳天壁氣衝落日紅影入春潭
碧錦續纖苔蘚丹青畫松石水禽泛容與巖花飛
的皪微路從此深我來限于役惆悵情未已羣峯
暗將夕

洞庭湖

地盡天水合朝及洞庭湖初日當中涵莫辨東西
隅晶耀目何在滢熒心欲無靈光曼海若游氣耿
天吳張樂軒皇至征苗夏禹徂楚臣悲落葉堯女
泣蒼梧野積九江濶山通五嶽圖風恬魚自躍雲

夕雁相呼獨此臨
泛漾浩將人代殊
永言洗氛濁
卒歲爲清娛
要使功成退
徒勞越大夫

自湘源至潭州衡山縣

浮湘沿迅湍
逗浦凝遠眄
見江勢濶行
嗟水流漫
赤岸雜雲霞
綠竹緣谿澗
向背羣山轉
應接良景晏
脊障連夜猿
平沙覆陽雁
紛吾望闕客
歸橈速已慣
中道方泝洄
遲念自茲撰
賴欣衡陽美
持以蠲憂患

自衡陽至韶州謁能禪師

謫居竄炎壑
孤帆森不繫
別家萬里餘
流目三春

際猿啼山館曉虹飲江臯霽湘岸竹泉幽衡峯石
閣閉嶺嶂窮攀越風濤極沿濟吾師在衡陽欣此
得躬詣洗慮賓空寂焚香結精誓願以有漏軀聿

幸

一作

薰無生慧物用一

一作益

冲曠心源日閒細伊

我獲此途遊道廻

一作悔

晚計宗師信捨法擯落文

史藝坐禪羅浮中尋異南

一作窮

海裔何辭禦魑魅

自可乘炎癘廻首望舊

一作故

鄉雲林浩虧蔽不作

別離苦歸期多年歲

早發大庾嶺

晨躋大庾險驛鞍馳復息霧露晝未開浩途不可

測嶠起華夷界信爲造化力歇鞍問徒旅鄉關在
西北出門怨別家登嶺恨辭國自惟最忠孝斯罪
惜所得皇明頗昭一作照洗廷議日紛惑兄弟遠淪
居妻子成異域羽翮傷已毀童幼憐未識脚蹶戀
北顧亭午晞霽色春暖陰梅花瘴回陽鳥翼含沙
緣澗聚吻草依林植適蠻悲疾首懷輦淚沾臆感
謝鵷鷺朝勤修魑魅職生還倘未遠誓擬酬恩德

自洪府舟行直書其事

仲春辭國門畏途橫萬里越淮乘楚嶂造江泛吳
汜嚴程無休隙日夜涉風水昔聞垂堂言將誠千

金子問余何奇剝遷竄極矣鄙揆已道德餘幼聞
虛白肯貴身賤外物抗跡遠塵軌朝遊伊水湄夕
卧箕山趾妙年拙自晦皎潔弄文史謬辱紫泥書
揮翰青雲裏事往每增傷寵來常誓止銘骨懷報
稱一作林丘逆鱗讓金紫安位黷潛構退耕禍猶起棲
巖實吾策觸藩誠內耻濟濟同時人台庭鳴劒履
愚以卑自衛兀坐去沉滓迨茲理已極竊位申知
已羣議負宿心獲戾光華始黃金忽銷鑠素業坐
淪毀浩歎誣平生何獨戀松一作枌梓浦樹浮鬱鬱
皐蘭覆靡靡百越去竟斷九疑望心死未盡匡阜

遊遠欣羅浮美周旋本師訓佩服無生理異國多
靈仙幽探忘年紀敝廬嵩山下空谷茂蘭芷悠悠
南溟遠採掇長已矣

下桂江縣黎壁

放溜靚前激連山分上千江回雲壁轉天小霧峯
攢吼沫跳急浪合流環峻灘欹雜出漩割繚繞避
渦盤舟子怯桂水最云一作言斯路難吾生抱忠信
吟嘯自安閒旦別已千歲夜愁勞萬端企予見夜
月委曲破林巒潭曠竹煙盡洲香橘露團豈傲風
所好對之與俱歡思君罷琴酌泣此夜漫漫

敬荅田徵君遊巖

家臨清谿水谿水繞盤石綠蘿四面垂裊裊百餘
尺風泉度絲管苔蘚鋪茵席傳聞潁陽人霞外漱
靈液忽枉巖中翰吟望一作朝復夕何當遂遠遊
物色候逋客

遊陸渾南山自歇馬嶺到楓香林以詩代書

答李舍人適

晨登歇馬嶺遙望伏牛山孤出羣峯首熊羆元氣
間太和亦崔巍石扇一作屏橫閃倏細岑互攢倚浮
巖競奔蹙白雲遙入懷青靄近可掬徒尋靈異跡

一作我從尋靈異

周顧愜心目晨拂鳥路行暮投人煙宿

梗稻遠彌秀栗芋秋新熟石髓非一巖藥苗乃萬族間關踏雲雨繚繞緣水木西見商山芝南到楚鄉竹楚竹幽且深半雜楓香林浩歌清潭曲寄爾桃源心

浣紗篇贈陸上人

越女顏如花越王聞浣紗國微不自寵獻作吳王娃山一作女蘼半潛匿苧蘿更蒙遮一行霸勾踐再

笑一作顧

傾夫差豔色奪人目

一作常人

數噸亦相誇一

朝還舊都靚粧尋若邪鳥驚入松網

一作林鳥驚入松

魚

畏沈荷花

一作網魚畏沈花

始覺冶容妄方悟羣心邪

一作

斜

欽子秉幽意世人共稱嗟願言托君懷倘類蓬

生庶家住雷門曲高閣凌飛霞淋漓翠羽帳旖旎

采雲車春風豔楚舞秋月經

一作綿

胡笳自昔專嬌

愛襲玩唯衿奢達本知空寂棄彼猶泥沙永割偏
執性自長薰修芽攜妾不障道來止妾西家

入崖口五渡寄李適

抱琴登絕壑伐木泝清川路極意謂盡勢迴趣轉
綿人遠草木秀山深雲景鮮余負海嶠情自昔微
尚然彌曠十餘載今來宛仍前未窺仙源極獨進

野人船時攀乳竇憩屢薄天牕眠夜絃響松月朝
杼弄苔泉因冥象外理永謝區中緣碧潭可遺老
片砂堪學仙莫使馳光暮空令歸鶴憐

溫泉莊卧病寄楊七炯

多病

一作移疾

卧茲嶺寥寥倦幽獨賴有嵩丘山高枕

長在目茲山棲靈異朝夜翳雲族是日濛雨晴返
景入巖谷羃羃澗畔草青青山下木此意方無窮
環顧悵林麓伊洛何悠漫川原信重複夏餘鳥獸
蕃秋未禾黍熟乘願守樊園歸閒欣藝牧惜無載
酒人徒把涼泉

一作掬

別之望後獨宿藍田山莊

鵲鴿有舊曲調苦不成歌自嘆兄弟少常嗟離別
多爾尋北京路予卧南山阿泉晚更幽咽雲秋尚
差我藥欄聽蟬噪書幌見禽過愁至願甘寢其如
鄉夢何

送趙六貞固

目斷南浦雲心醉東郊柳怨別此何時青芳來已
久與君共時物盡此盈樽酒始願今一作君不從春
風戀攜手

傷王七秘書監寄呈揚州陸長史通簡府僚

廣陵好事

王氏貴先宗衡門樓道風傳

一作得

心晤有物秉化

遊無窮學與九流異機玄三語同書乃墨場絕文
稱詞伯雄白屋藩魏主蒼生期謝公一祗賢良詔
遂謁承明宮補袞望奚塞尊儒位未充罷官七門
裏歸老一丘中嘗忝長者轍微言私謂通我行會
稽郡路出廣陵東物在人已矣都疑淮海空

使至嵩山尋杜四不遇慨然復傷田洗馬韓
觀主因以題壁贈杜侯杜四

洛橋贍太室期子在雲煙歸來不相見孤賞弄寒

泉與君濶松石于茲二十年田公謝昭世韓子秘
幽埏憶昔同攜手山樓接二賢笙歌入玄地詩酒
坐寥天舊友悉零落罷琴私自憐遊者非藥誤餐
霞意可全爲余理還策相與事靈仙

題張老松樹

歲晚東巖下周顧何悽惻日落西山陰衆草起寒
色中有喬松樹使我長嘆息百尺無寸枝一生自
孤直

翫郡齋海榴

澤國韶氣早開簾延霽天野禽宵未嘯山蜚晝仍

眠目茲海榴發列映巖楹前熠燿禦風靜歲粧含
景鮮清晨綠堪佩亭午丹欲燃昔忝金閨籍嘗見
玉池蓮未若宗族地更逢榮耀全南金雖自貴賀
賞詎能遷撫躬萬里絕豈染一朝妍徒緣滯遐郡
常是惜流年越俗鄙章甫捫心空自憐

乙籤七十宋之問之二

唐音統籤卷五十六

七言古詩

龍門應制

紀事云武后遊龍門命羣官賦詩先成者賜以錦袍左史東方虬詩

成拜賜坐未安之問詩成文理兼美左右莫不稱善乃就奪錦袍衣之

宿雨霽氛埃流雲度城闕河堤柳新翠苑樹花先
發洛陽花柳此時濃山水樓臺映幾重羣公拂霧
朝翔鳳天子乘龍幸鑿龍鑿龍近出王城外羽從
琳瑯擁軒蓋雲罕纔臨御水橋天衣已入香山會
山壁嶄巖斷復連清流澄澈俯伊川鴈塔遙遙綠
波上星龕奕奕翠微邊層巒舊長千尋木遠壑初

飛萬丈泉綵仗虹

一作
蜺

旌遶香閣下輦登高望河

洛東城宮闕擬昭回南陌溝塍殊綺錯林下天香

七寶臺山中春酒萬年杯微風一起祥花落仙樂

初鳴瑞鳥來鳥來花落紛無已稱觴獻壽烟

一作
香

霞裏歌舞淹留景欲斜石闕

一作
間

猶駐五雲車鳥

旗翼翼留芳草龍騎駸駸映晚花千乘萬騎鑾輿

出水靜山空嚴警蹕郊外喧喧引看人傾都南望

屬車塵囂聲引颺開黃道佳氣周廻

一作
旋

入紫宸

先王定鼎山河固寶命乘周萬物新吾君

一作
皇 不

事瑤池樂時雨來觀農扈春

明河篇

武后朝之間求爲北門學士不許乃作此篇以見意后見之謂崔融曰非

不知之間有奇才但恨有口過耳謂口臭也

八月涼風天氣清

一作晶

萬里無雲河漢明昏見南

樓清且淺曉落西山縱復橫洛陽城闕天中起長

河夜夜千門裏複道連薨共蔽虧畫堂瓊戶特相

宜雲母帳前初汎濫水精簾外轉逶迤倬彼昭回

如練白復出東城接南陌南陌征人去不歸誰家

今夜擣寒衣鴛鴦機上疏螢度烏鵲橋邊一雁飛

雁飛螢度愁難歇坐見明河漸微沒已能舒卷任

浮雲不惜光輝讓流月明河可望不可親願得乘

唐詩集
槎一問津更將織女支機石還訪成都賣卜人

王子喬

王子喬愛神仙七月七日上賓天白虎搖瑟鳳吹
笙乘騎雲氣翕日精翕日精長不歸遺廟今在而
人非空望山頭草草露濕人一作衣

綠竹引

青谿綠潭潭水側修竹嬋娟同一色徒生山實鳳
不遊老死空山人詎識妙年秉願逃俗紛歸卧嵩
丘弄白雲含情傲睨慰心目何可一日無此君

寒食陸渾別業

洛陽城裏花如雪
陸渾山中今始發
旦別河橋楊柳風
夕卧伊川桃李月
伊川桃李正芳新
寒食山中酒復春
野老不知堯舜力
酣歌一曲太平人

初宿淮口

孤舟汴河水去國情無已
晚泊投楚鄉明月清淮裏
汴河東瀉路窮茲洛陽西顧日
增悲夜聞楚歌思欲斷
况值淮南木落時

寒食江州滿塘驛

去年上巳洛橋邊
今年寒食廬山曲
遙憐輦樹花應滿
復見吳洲草新綠
吳洲春草蘭杜芳
感物思

歸懷故鄉驛騎明朝發何處猿聲今夜斷君腸

至端州驛見杜五審言沈三佺期閻五朝隱
王二無競題壁慨然成詠

逐臣北地承嚴譴謂到南中每相見豈意南中岐
路多千山萬水分鄉縣雲搖雨散各翻飛海闊天
長音信稀處處山川同瘴癘自憐能得幾人歸

桂州三月三日

代業京華裏遠投魍魎鄉登高望不極

一作見

雲海

四茫茫伊昔承休盼曾爲人所羨兩朝賜顏色二

紀陪遊

一作歡

宴昆明御宿侍龍媒伊闕天泉復幾

迴西夏黃河水心劍東周清洛羽觴杯苑中落花
掃還合河畔垂楊撥不開千秋獻壽多行樂栢梁
和歌攀磨作賜金分帛奉恩駐一作光輝風舉雲搖入
紫微晨趨北闕鳴珂至夜出南宮把燭歸載筆儒
林多歲月襍被文昌佐吳越越中山海高且深興
來無處不登臨永和九年刺海郡暮春三月醉山
陰愚謂嬉遊長似昔不言流寓歎成今始安繁華
舊風俗帳飲傾城拂江曲主人絲管清且悲客子
肝腸斷還續蒹葭浦蘅皋萬里餘洛陽音信絕能疎
故園今日應愁思曲水何能更祓除作伴誰憐合

浦葉思歸豈食桂江魚不求漢使金囊贈願得家

佳一作人錦字書

軍中人日登高贈房明府

幽郊昨夜陰風斷頓覺朝來陽吹暖涇水橋南柳
欲黃杜陵城北花應滿長安昨夜宵香寒短翮登
茲一望歸聞道凱旋乘騎入看君走馬見芳菲

放白鵬篇

故人贈我綠綺琴兼致白鵬鳥琴是嶧山桐鳥出
吳谿中我心松石清霞裏弄此幽弦不能已我心
河海白雲垂憐此珍禽空自知著書晚下麒麟閣

幼稚驕痴候門樂乃言物性不可違白鵬愁慕制
毛衣玉徽閉匣留爲念六翮開籠任爾飛

騷體

下山歌

下嵩山兮多所思攜佳人兮步遲遲松間明月長
如此君再遊兮復何時

冬宵引贈司馬承禎

河有冰兮山有雪北戶瑾兮行人絕獨坐山中兮
對松月懷美人兮屢盈缺明月的的寒潭中青松
幽幽吟勁風此情不向俗人說愛而不見恨無窮

高山引

攀雲窈窕兮上躋懸峯長路浩浩兮此去何從水
一曲兮腸一曲山一重兮悲一作愁一重松檟邈已
遠友于何日逢况滿室兮童稚攢衆慮於心胸天
高難訴兮遠負明德却望咸京兮揮涕龍鍾

嵩山天門歌

登天門兮坐盤石之磷砢前澁澁兮未半下漠漠
兮無垠紛窈窕兮巖倚披以鵬翅洞膠葛兮峯稜
層以龍鱗松移岫轉左變而右易風生雲起出鬼
而入神吾亦不知其靈怪如此願遊杳冥兮見羽

人重曰天門兮穹崇廻合兮攢聚松萬接兮栢日
石千尋兮倚空晚陰兮足風夕陽兮施紅試一望
兮奪覓兎衆妙之無窮

五言律詩一

麟趾殿侍宴應制

北闕層城峻西宮複道懸乘輿歷萬戶置酒望三
川花柳含丹日山河入綺筵欲知陪賞處空外有
飛煙

九月晦日上陽宮侍宴應制

薛林字

廣樂張前殿重裘感聖心砌奠霜月盡庭樹雪雲

深舊渥駢宸御慈恩忝翰林微臣一何幸再得聽

瑤琴

奉和立春日侍宴內出剪綵花應制

金閣妝仙

一作新

杏瓊筵弄綺梅人間都未識天上

忽先開蝶繞香絲佳蜂憐艷粉

一作彩艷

迴今年春色

早應爲剪刀催

春日芙蓉園侍宴應制

芙蓉秦地沼盧橘漢家園谷轉斜盤徑川迴曲抱

原風來花自舞春入鳥能言侍宴瑤池夕歸途筵

曉

一作

吹繁

夏日仙萼亭應制

高嶺通星河乘輿此日過
野舍時雨潤山雜夏雲
多睿藻光巖穴宸襟洽
薜蘿悠然小天下歸路滿
笙歌

奉和九日幸臨渭亭登高應制

得歡字

令節三秋晚重陽九日歡
仙杯還泛菊寶饌且調
蘭御氣雲霄近乘高宇宙寬
今朝萬壽引宜向曲
中輝

奉和九月九日登慈恩寺浮圖應制

鳳剎侵雲半虹旌倚日邊
散花多寶塔張樂布金

田時菊芳仙醞秋蘭動睿篇香街稍欲晚清蹕扈
歸天

奉和聖製閏九月九日登莊嚴總持二寺閣
閏月再重陽仙輿歷寶坊帝歌雲綃白御酒菊猶
黃風鐸喧行漏天花拂舞行豫遊多景福梵宇日
生光

幸少林寺應制

紺宇橫天室迴鑾指帝休曙陰迎日盡春氣抱巖
流空樂繁行漏香煙薄綵旂玉膏從此泛仙馭接

幸岳寺應制

暫幸珠筵地俱憐石瀨清泛流張翠幕拂迴挂紅
旌雅曲龍調管芳罇蟻泛觥陪歡玉座晚復得聽
金聲

扈從登封途中作

帳殿鬱崔巍仙遊實壯哉曉雲連幕捲夜火雜星
回谷暗千旗出山鳴萬乘來扈從良可賦終乏換
天才

扈從登封告成頌

複道開行殿鈞陳列禁兵和風吹鼓角佳氣動旗

旌後騎迴天苑前山入御營萬方俱下拜相與樂昇平

松山嶺應制

翼翼高旌轉鏘鏘鳳輦飛塵銷清蹕路雲濕從臣衣白羽搖丹壑天營逼翠微芳聲耀今古四海警宸威

駕出長安

作王昌齡詩者誤

聖德超千古皇風扇九圍天迴萬象出駕動六龍飛淑氣來黃道祥雲覆紫微太平多扈從文物有光輝

奉和梁王宴龍泓應教

得微字

水府淪幽壑星輶下紫微
鳥驚司僕馭花落侍臣
衣芳樹搖春晚晴雲繞座飛
淮王正留客不醉莫言歸

壽陽王花燭圖

一作沈佺期詩

仙媛乘龍日

一作夕

天孫捧雁來可憐桃李樹

一作逕

更繞鳳凰臺燭照香車入花臨寶扇開莫令銀箭

一作漏

曉爲盡合歡杯

冬夜寓直麟閣

一作王維詩

直事披三省重關秘七門
廣庭憐雪淨深屋喜爐

溫月幌花虛馥風牕竹暗喧東山白雲意茲夕寄
琴樽

江南曲

妾住越城南離居不自堪採花驚曙鳥摘葉餞春
蚕一作結更茱帶愁安玳瑁替待君消瘦盡日暮碧

綠一作江潭

牛女

粉席秋期緩針樓別怨多奔龍爭渡月飛鵲亂填
河失喜先臨鏡含羞未解羅誰能留夜色來夕倍
還梭